

民國四年首夏

書畫印文錄

批逸園題





重修昔陽縣志序

昔陽即樂平古名也明代為縣屬太原清因之而改隸平定嘉慶初葉省縣為鄉民國元年復置縣三年復其古名縣有志昉於明天啓間歷清康乾兩朝皆有所增益迄今百有餘年民生之休戚政治之沿革與夫人才之消長文教習尚之隆替所見異詞所聞異詞卒無秉筆而書者簡斷篇殘闕有間矣改革以後百度丕新皇甫令出宰斯邑公餘謀輯邑志越一寒暑藁乃脫受代者陳令踵而刊焉夫觀風問俗考獻徵文

昔陽縣志

序

一

以備輜軒之採者有司之責也然而簿書填委庶政繁蹟益以兵燹之後災歉之餘承其乏者策善後籌賑撫千端而萬緒方疲於奔命之不遑顧能整理歌絃與邑人士握槩挾鉛而為訂墜搜遺之舉者亦賢邑宰哉四年歲首余奉命治晉逾年稔矣皇甫令袖其藁徵序於余披閱一過知舊志取裁於圖經傳記二家今仍其舊補圖若干幅補傳記若干篇都若干卷區類分門粲然釐然益以歎作此之難而述之此亦良非易也昌黎有言莫為之前雖美弗彰莫



為之浚雖盛弗傳昔馬端臨作通攷杜佑作通
典鄭樵作通志清乾隆時一續再續以著於浚
嗣傳之無窮昔陽雖百里之區今由鄉音縣且
浚其首稱則是百餘年間民生之休戚若何政
治之沿革若何與夫人才之消長若何文教習
尚之隆替若何尤不可無所記載輯而補之庶
足以信今傳浚也夫

中華民國四年歲次乙卯仲春月山西巡按使金永撰

昔陽縣志

序

二

重修昔陽縣志序

粵稽禹貢一書為紀述山川之鼻祖而首載冀州舊志所謂樂平冀鎮之東隅太行之中境也按昔陽為樂平舊城名稱最古內屏晉汾外瞰邢趙洵省東控制之巖壘人文炳蔚之淵藪官斯土者可抱殘守闕弗加訂修乎攷邑乘歷經宋金之燹散佚不少

昔陽縣志

序

三

明天啟丙寅邑宰尚存義始稍稍纂輯之入清康熙雍正間亦屢加修訂自嘉慶迄清末葉僅於平定修志時附輯一次燭火螢光書牕有間矣癸丑夏余綰邑符適際復縣之初甫更歲軸又奉易名之檄頃聞中央頒條布令耳目一新洗四千年沿襲之弊法創五大族共和之新猷而我

大總統保存國粹宏開史館攷獻徵文知
事職重親民允宜共體斯忙爰集邑
中耆碩分任採輯不數月而藍本告
成都為若干卷為綱若干目若干志
中體例一依原書而變通之補其闕
芟其繁俾述舊可以謀新信今即以
傳後爰摭始末弁諸簡端是為序
昔

昔陽縣志

序

四

大中華民國歲在甲寅太陽曆八月
知昔陽縣事前署平遙縣事禹都
皇甫振清謹識

重修昔陽縣志序

夫志者紀寔也識遠也周禮小史外史誦訓土訓土人諸職雖所掌之廣狹不同而舉凡山川人物風土政事採諸輿論貢諸輜軒則一也昔陽名稱最古已散見於春秋傳太平寰宇記路史漢書地理志通志諸書茲不駢叙蓋昔以名城今以置縣無同名之嫌矣甲寅十月余捧檄來撫茲邑適前任皇甫公提倡修志事編輯李君屬序於余下車伊始鞅掌風塵山川之夷險若何人物之消長若何風土之淳薄若何政事之趨嚮若何未遑周咨博訪烏能出諸口而筆諸書乎然竊議我國士大夫往往視官如蓬廬

昔陽縣志

序

五

如傳舍以况古人一日必葺其牆屋其度量相越豈不遠哉余從不文焉可以不序攷舊來自明天啓丙寅尚公存義修輯後清康熙癸丑王公祚永踵修之蕪湖陶公厚邱李公繼續修之自是厥後遂寂々無聞焉光緒壬午平定牧張公奉檄纂輯州志附修鄉志於未倉卒搜羅書牘有間矣自癸未迄於今茲此數十年中滄海桑田鼎革政變即茲邑亦由鄉而縣易樂平而昔陽敢不仰體我大總統保存國粹之心為一邑文獻之徵乎則茲志之修皇甫公經之於始余亦樂觀厥成且使後之從事於茲者按畬索驥而山川可以觀人物可以鑒風土可以察政事

可以新豈不懿歟豈不懿歟是為序
皆

大中華民國三年歲次甲寅十一月知昔陽縣事遵化陳曜撰

昔陽縣志

序

六

重修昔陽縣志序

志者識也識久遠之事也周禮職方大司馬外史諸秩誦訓掌道方志以詔觀事土訓掌道地圖以詔地事遂人以土地之圖經田野非人物其地圖而知金玉錫石形色鹹淡之異蓋圖志之功也志之斯義大矣哉後世因之有一統志有省通志有郡縣之志凡軫念民依覃心掌故者罔不博採窮搜參互攷證可任其闕軼而弗勤採輯耶昔陽一縣春秋時始見於書名稱最古迄東漢建安之末立樂平郡為昔陽易名之鼻祖自晉以降而北魏而隋而唐而宋而金而元而明或為郡或為縣或為軍或為州或為鄉

昔陽縣志

序

七

枝離駢合不常厥居大清定鼎因明之舊仍隸太原雍正二年乃改屬平定仍為縣嘉慶元年西藏大小金川準噶爾西征諸役軍差絡繹悉經柏井驛遠縣瘠供億苛繁閭肆不堪其擾乃籲大府省縣為鄉宣統三年清綱禪民國興凡縣之省為鄉者均晉為縣而吾邑之重睹舊觀實與吾炎族光復之勲遂成莫大之紀念焉民國二年秋令行通國裁驛置郵時余忝廁議席代表一邑咨明邑宰請永革差徭攤征之弊稍減吾同胞之負擔想吾縣事同一律軫念民依者決不肯向隅吾邑民也三年春以縣名與江右之樂平複仍改昔陽青山如故管領常新禹都皇甫公

振清為吾邑宰瞿然興曰邑志之散佚久矣不修何待爰
詔光等任編輯之役光不學寡聞恐弗勝任然誼不敢辭
迺延訪張君懋修等十餘人發凡起例分道揚鑿而採訪
諸同調尤足胝口瘡不避嫌瘁計成新志都若干卷為總
目若干折為子目若干今幸草冊告成將以委之印刷惟
篇帙等身紛如秋葉又限於度支之艱嗇迫於居諸之倏
促知不免罅漏錯脫之誚夫龍門特識覈實為難彪固史
材求精不厭至若指摘瑕疵補綴罅隙是則望於宏雅名
碩之君子謹叙

中華民國三年歲次甲寅十月清進士出身前廣東廣肇

昔陽縣志

序

八

羅分巡道兼管佛岡赤溪直隸廳總理全省水陸營務處
兼緝捕局邑人李光宇撰



原叙

夫志者記載之書也隨時增補以錄其寔者也甲午夏余承乏茲邑見夫山河壯麗品物蕃昌未嘗不嘆

聖朝之化洽延禧較舊志所載而倍盛時屈軍書旁午驛務勞乏未遑增補越二載金川蕩平稍有餘閒始將應行創建修葺者捐俸次第部署而紳士亦各踴躍從公出貲勦事丙申秋

昔陽縣志

序

九

萬壽宮以及各工告竣董事人以補入縣志為請余重違其意而從之并旁蒐節烈懿行菴林著作付之剞劂氏非敢踵事增華自詡其功不過就現在事叙其顛末以備觀風者之採擇云爾

肯

乾隆歲次丙申小春月知樂平縣事東
光李早榮撰

原叙

邑乘者專政之權輿也山川若何險易
風俗若何瀉滴土田若何厚薄建置若
何興廢苟溥無所攷而執己意以措之
其不致行焉而贖施焉而沮者幾希余
自丁丑歲調任茲土以來間嘗周巡四
境採風問俗所謂家皆行孝弟戶盡讀
詩書者大率猶是惟是地處萬山之中
小民惟知耕種商賈不通其風樸嗇其

昔陽縣志

序

十

氣急直欲思所以轉移而化導之因於
坐衙押判之餘披閱舊誌蓋修自乾隆
癸酉迄今十載其間田賦戶口之增減
人物建置之變遷頗異昔殊而倉貯驛
遞函繫民生要務舊多未載懼其久而
無徵也爰就數年中所身歷耳熟者畧
為編次以俟將來嗚呼昔朱子歷任江
浙閩海所在以修志為先務誠以守令
為親民之官其於地方之風土人情苟

非瞭然於心口即粉飾吏治究無當也
余之為此非敢自附於朱子之為而考
其山川知陰易之所在考其風俗知瀉
瀉之所勿改其土田知厚薄之所存致
其建置知興廢之所起而學校之地節
孝之行尤為風化所涵萃邑之縉紳父
老而諮詢之者已非一日而願溥為置
之是不特施政無所措手而轉移風化
之心終無由克副也夫彈琴飼鶴余豈

昔陽縣志

序

十一

不心為企之而以瘠薄之區任撫字之
責其所以以上宣

國家化民成俗之盛而下告無負於斯
邦者雖在彼不在此然而鉅細必書真
偽必辨使十年中之增減變遷瞭如指
掌區區詳慎之心或可為轉移風化之
一助云時乾隆二十八年歲次癸未上
元日

賜進士出身知山西平定州樂平縣事

前翰林院庶吉士蕪湖陶鏞書

昔陽縣志

序

十二

原叙

邑志自前尹厚邱李公重鐫迄今歷十年矣其間疆域城池山川風土戶口田賦壇壝公解秩官選舉以及人物藝文諸大端不可以無攷我邑侯蕪湖陶公來蒞茲土甫下車銳以興廢舉墜為己任文廟之未竣者完繕之學宮之傾圮者修葺之興賢育材政簡刑清以故數年來人文蔚起風俗敦龐我邑士民頌召父杜母焉嘗於謁見之餘商及縣志慨然歆踵前績而續修之蓋憲十年以來之文獻湮沒弗傳而後之攷者將無所據以徵其信也噫公之為政可謂獨見其大矣夫仕學相資為用樂邑僻處山陬雖

昔陽縣志

序

十三

土瘠民貧而公則勤求民隱巨細必親兼以屬驛盤錯羽書旁午披星戴月日不暇給我公肆應其間鞅掌之暇輒研鉛握槩訂訛補闕俾十年以來之文獻麟麟炳炳燦若日星集全書以昭示來許非仕優而學者能若是乎且夫邑之有乘猶國之有史也昔司馬子長作史記不虛美不隱惡世稱寔錄以故古人論史有三長非其人莫舉也公以清省宏材雅好博洽其所作率皆沈浸濃郁含英咀華駁駁追班馬而駕元白蓋卓然翰苑名宿也是集出其緒言餘論不難游及成之其於古之良史何多讓焉方今聖天子稽古右文纂脩國史凡裨官野乘無不採而獻之

闕逢公續編茲志付諸剞劂不惟樂邑之文獻不至湮沒
無徵而我

朝重熙累洽久道化成之治俱可披籍而知矣是為序
乾隆癸未首春吉旦

賜同進士出身翰林院庶吉士邑人張鶴雲撰

昔陽縣志

序

十四

原叙 清康熙十一年

邑曷志乎爾曰史也史曷有於邑曰
猶古列國之各有史識其山川要險
風俗人物待觀風者採而獻之於廷
也志之所來久矣樂邑曷為乎無其
志攷厥繇未遭前兵燹之後燬其板
籍湮沒弗傳然則重脩其容已哉是
則有司之責也余不敏當莅任初即

晉陽縣志

序

十五

敬舉重修縣志之事惜有願為而未
逮也今奉

憲文徵各郡邑志彙編成書獻之於
朝因延紳儒名碩搜求舊集僅得斷簡
殘編採而輯之何者宜留何者宜益
何者宜減一酌諸時宜公論而不容
為為已也如山川形勝之不可無攷
也則志地輿戶口輸庸之不可無稽

也則志籍賦縣署學舍以及橋梁城
堡一邑之規模攸繫於建置則志之
春祈秋報以迨風雲雷雨斯民之生
養攸函於祀典則志之其志秩官也
所以重建官分職之制凡有才德者
褒著之將以風有位也其志選舉也
所以彰興賢育才之典凡登仕籍者
均錄之蓋以表人才也如是可以已

昔陽縣志

序

十六

乎未也至於忠孝大綱節義懿行世
道於焉允賴矣爰是有人物之志能
銘作賦採藻擢華大雅恃以勿墜矣
爰是有藝文之志凡此者甯簡毋繁
示慎也甯信勿疑防偽也若夫邇年
以來家經誦而戶詩書者幾何也樂
婦子而盈倉箱者幾何也中澤集而
百堵作荏符息而狐鼠消者幾何也